

Bosna i Hercegovina
Federacija Bosne i Hercegovine
Tuzlanski kanton
Ministarstvo prostornog uređenja i zaštite okolice

Na osnovu člana 29. Zakona o izvršenju budžeta Tuzlanskog kantona za 2011. godinu („Službene novine Tuzlanskog kantona“ broj: 04/11) i Programa raspodjele namjenskih sredstava Ministarstva prostornog uređenja i zaštite okolice za 2011. godinu, a u skladu sa Odlukom o utvrđivanju uslova, kriterija i postupka za raspodjelu namjenskih sredstava iz ekoloških naknada, Ministarstvo prostornog uređenja i zaštite okolice raspisuje:

JAVNI POZIV

Udruženjima za kandidovanje projekata iz oblasti zaštite okolice radi dodjele sredstava

1. Pravo učešća na javnom pozivu:

Pravo učešća na javnom pozivu imaju udruženja koja su registrirana u Ministarstvu pravosuđa i uprave Tuzlanskog kantona kao i udruženja koja su registrirana u skladu sa zakonom na entitetskom ili državnom nivou, čija je djelatnost usmjerena na zaštitu i unapređenje okolice, a koja imaju sjedište, obavljaju djelatnost i implementiraju projekte na području Kantona.

2. Sredstva se raspodjeljuju za projekte iz oblasti zaštite okolice koji se odnose na sljedeće:

1. čišćenje, uređenje, pošumljavanje i ozelenjavanje javnih površina i sl.,
2. unapređenje zbrinjavanja otpada,
3. jačanje ekološke kulture građana i
4. obilježavanje značajnih datuma iz oblasti zaštite okolice.

3. Podnosioci prijave dužni su dostaviti sljedeću dokumentaciju kojom dokazuju ispunjavanje uslova:

1. rješenje o upisu u Registar udruženja kod Ministarstva pravosuđa i uprave Tuzlanskog kantona ili drugog nadležnog organa u Federaciji Bosne i Hercegovine iz kojeg je vidljivo sjedište udruženja na području Kantona te da je djelatnost udruženja usmjerena na zaštitu i unapređenje okolice,
2. uvjerenje o poreznoj registraciji,
3. spesimen potpisa iz banke osoba odgovornih za finansije,
4. izvještaji o realizaciji i utrošku sredstava dobijenih od ovog Ministarstva u prethodnoj godini, ukoliko ista nisu ranije u potpunosti opravdali i
5. projekat (ovjeren i potpisan od strane podnosioca) na posebnom obrascu.

Dokumenti se prilažu u originalu ili ovjerenjima kopiji koja ne može biti starija od 6 mjeseci računajući od dana objavljivanja javnog poziva.

4. Projekat koji će se uzeti u razmatranje se dostavlja na propisanom obrascu i treba da sadrži:

1. naziv i opis projekta,
2. oblast zaštite okolice na koju se odnosi projekat iz tačke 2. javnog poziva,
3. ciljeve projekta,
4. vrste aktivnosti koje će se provesti da bi se postigli postavljeni ciljevi,
5. podaci o uključenosti volontera u projekat,
6. ukoliko postoji partnerstvo, naziv partnera - druga neprofitna organizacija ili institucija iz javnog sektora sa dokazom o partnerstvu (ugovor i slično),
7. očekivani rezultati,
8. rok realizacije projekta i
9. specifikacija troškova sa visinom sredstava koja se potražuju od Ministarstva (navesti detaljnu specifikaciju).

5. Neće se uzeti u razmatranje prijave udruženja:

1. koja su dobila finansijsku pomoć od ovog Ministarstva, ako nisu ispunili obavezu pravdanja dodijeljenih sredstava,
2. koji ne dostave dokumentaciju za dokazivanje ispunjavanja uslova kako je definisano tačkom 3. Javnog poziva i ne razrade projekat na propisanom obrascu kako je definisano tačkom 4. Javnog poziva,
3. čiji su projekti, programi, aktivnosti napravljeni samo u korist članova udruženja i
4. čiji administrativni troškovi (režije, telefonski troškovi, uredski materijal, bankovni troškovi, usluge knjigovodstvenog servisa, najam ureda i slično) na projektu prelaze 30 % ukupnog budžeta projekta.

6. Prijedlog raspodjele sredstava:

Prijedlog raspodjele sredstava udruženjima utvrdit će se na osnovu slijedećih kriterija:

1. Oblast zaštite okoline,
2. Rok realizacije projekta,
3. Uključenje većeg broja volontera,
4. Partnerski odnos sa drugom neprofitnom organizacijom ili institucijom iz javnog sektora u realiziranju projekta.

7. Broj projekata i iznos sredstava:

Udruženja imaju pravo na Javni poziv prijaviti najviše dva projekta. Ukupna vrijednost projekta udruženja za koji se traže sredstva ne smije preći iznos od 5.000 KM. Maksimalni iznos koji se udruženju može odobriti po jednom projektu je 5.000 KM.

8. Način prijave:

Prijave sa projektima na propisanom obrascu se predaju na adresu:

Tuzlanski kanton
Ministarstvo prostornog uređenja i zaštite okoline
Pisarnica Vlade TK (Slatina br. 2, Tuzla),
(sa naznakom: „ZA JAVNI POZIV – NE OTVARATI“ – naznačiti da li se radi o
udruženju ili javnoj ustanovi)

Rok za podnošenje prijave je 8 dana od dana objavljivanja javnog poziva u dnevnim novinama. Javni poziv za dodjelu sredstava zajedno sa propisanim obrascem iz tačke 4. javnog poziva će biti objavljen i na zvaničnoj web stranici Vlade Tuzlanskog kantona www.vladatk.kim.ba.

Neblagovremene i nepotpune prijave neće se uzeti u razmatranje.